

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

19 Janvier 2018

(01 Jamad'ul Awwal 1439 AH)

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « *Mauvais Lizié* ».

Mette lizié lor kikaine (mauvais lizié) li ene réalité ki exister mais ki ena toutefois so solution pou ki nous capave protège nous contre sa. Li nous devoir pou prend conscience de sa fait là afin ki nous capave combatte sa, *Insha-Allah*. Mo pou donc expliquer ki été mette lizié (mauvais œil) avant ki mo donne ene explication couma nous capave protège nous contre sa, *Insha-Allah*.

Ki été mauvais lizié (mette lizié lor kikaine)? Mauvais lizié li défini comme étant conséquence kan l'âme suscite ene désir persistant ou malveillant envers ene kikaine ki li fini vizé ou trouver. Ainsi le mauvais œil arriver kan ene kikaine guette ene dimoune ou l'objet de so désir avec ene l'envie et insistance. Mauvais lizié capave même atteindre ene possession ki nous ena, ou sois ene créature ki appartenir au monde minéral, animal ou agricole.

En plus de sa, sa regard ki dimoune porter avec insistance et émerveillement lor ene lotte dimoune ou ene kitchose li ena ene l'effet lor sa bane là. Allah dire dans

Quran: « **Encore ene tiguette bane ki pas ena la foi ti va transperce toi avec zot lizié, kan zot tanne sa rappel (sa Quran) là.** » (Al-Qalam 68: 52).

Ene verset Quran capave ena plusieurs significations et pour nous sujet azordi, sa verset Quran ki mo fine fek dire zot là li confirme ki sa concerne aussi lizié ki ene dimoune mette lor kikaine (mauvais lizié). Bane infidèles ti envie touche le Messenger d'Allah (saws) avec ene mauvais lizié, et d'ailleurs nous prophète bien-aimé Hazrat Muhammad (saws) fine laisse pour nous ene l'héritage enrichissant kot li fine mette nous en garde contre mauvais lizié et le mal de Satan le maudit.

D'après ene Hadith rapporté par Ibn Abbas (ra), le Messenger d'Allah (saws) fine dire: « **Mauvais lizié li ene vérité; si ena kitchose ki devance la prédestination, c'est bien mauvais lizié (mette lizié lor kikaine) ...** » (Muslim, Ahmad & Tirmidhi).

Li bien important pou souligne l'importance de protection contre mauvais lizié. Nous conné ki sa li ene réalité ki bien dangéré pour nous parski le Messenger d'Allah (saws) fine cherche protection avec Allah contre mauvais lizié. En vérité, Abu Saïd (ra) fine rapporté: « **Le prophète (saws) fine demande protection contre (mauvais) lizié ki dimoune mette (lors lézot).** » (Tirmidhi). Sa li ene preuve pour nous ki mette nous en garde ki mauvais lizié li ene réalité ki représente ene mal pour nous et ki alors nous bizin protège nous d'ene tel mal.

10 moyens pou protèze nous contre ene tel mal zot comme suite:

1. **Le premier moyen c'est ki nous bizin cherche refuge auprès d'Allah et pou demande So protection contre le mal du jaloux.** Dans Surah Al-Falaq (Chapitre 113), nous trouvé ki Allah fine révéle ki nous bizin dire pou demande protection contre le mal d'ene dimoune ki jaloux, ki mette lizié lor dimounes. En effet, Allah dire : « **Dire: « Mo cherche protection avec Maître de l'aube, contre le mal ki So bane créatures (capave faire), contre le mal (ki capave arriver) kan l'obscurité approfondit, contre le mal de bane ki crache lor nœuds, contre le mal du jaloux, kan li porte so jalousie (li mette lizié) lor kikaine.** » Sa dernier di mal ki Allah fine mentionner à la fin de sa Surah là c'est mette lizié lor kikaine. Alors c'est à nous pou cherche la protection d'Allah contre ene tel mal!

2. Deuxième moyen pou protèze nous contre mauvais lizié: **La piété envers Allah kot sa dimoune là li applique tous bane l'ordres d'Allah et li évite tous bane interdits.** En vérité nous *Rab* (Allah) fine révéler : « **Mais si ou ena l'endurance (si ou patient) et ou pieux (si ou ena la crainte d'Allah et marche dans bon chemin), zot bane manigances pas pou capave fer ou aucaine ditort.** » (Al-Imran 3: 121). Maintenant c'est à nous pou vine pieux, pou ena la crainte d'Allah et suivre chemin Allah afin ki nous gagne la protection de nous Créateur, *Insha-Allah*.
3. Troisième moyen pour bénéficier de So protection c'est le fait pou faire preuve de patience et d'endurance face à celui ki rode touche nous par mauvais lizié. Faudé pas nous combatte l'ennemi afin ki c'est Allah Li-même vine à nous l'aide pou protèze nous. En effet, Allah dire : « **Si kikaine rende à so prochain, ki fine faire li du tort, ene coup pareil, mais ensuite zot tombe lor li encore, Allah surement pou aide li.** » (Al-Hajj 22: 61). Pas réponde le mal par le mal, et alors nous pou capave gagne protection d'Allah, nous Protecteur.
4. Quatrième moyen pour gagne protection contre sa mal là c'est ki nous bizin soumettre nous à Allah complètement. Nous bizin ena confiance dans nous Créateur pou préserve nous contre sa mal là. Couma Allah fine dire: « **Et quiconque place so confiance en Allah, Li [Allah] suffit pour li.** » (At-Talaq 65: 4). Nous confiance en Allah protèze nous donc du mal ki capave atteindre nous, y compris mauvais lizié.
5. Cinquième moyen pou gagne protection divine contre mauvais lizié c'est: l'action pou retire de nous lékaire tous bane pensées et bane z'affaires ki liée avec sa dimoune ki envie faire nous ditort là. Nous pas pense li-même. Nous ignore li. Nous pou capave protèze nous contre so mal kan nous faire sa. Nous l'âme pou alors gagne la paix et nous pas pou toucher par sa dimoune jaloux là ou so jaloux ou lizié ki li mette lor nous.
6. Sixième moyen ki nous capave servi contre mauvais lizié c'est ki nous bizin, arrive séki arrive, tourne vers nous Rab et marche vers Li tousel, et fer tous zeffore pou vine près avec Li. Nous l'âme bizin rempli avec l'amour d'Allah et bizin répentir devant Li. Mauvais lizié c'est ene de bane travaux de Satan pour touche ene croyant, et alors sa croyant là bizin retourne vers Allah

(dans so l'adoration etc.) afin ki l'ennemi d'Allah (c'est-à-dire, Satan) et Satan so bane alliés pas capave fer nous aucaine di tort. Allah rapporte bane paroles de Satan comme suite: « **[Satan] dire: 'Par To puissance! Mo pou en vérité égare zot tous, sauf To bane serviteurs élus parmi zot' »**. (Sad 38: 83-84). Allah dire : « **Lor Mo bane serviteurs, to pas pou gagne aucaine l'autorité »**. (Al-Hijr 15: 43). Si nous oulé alors gagne protection d'Allah nous Créateur et nous êtes compté parmi So bane serviteurs, alors nous bizin absolument abandonne nous (ou remette nous) complètement à Li (Allah) tousel.

7. Septième moyen pour évite mauvais lizié c'est ki nous bizin repentir de bane péchés ki nous fine commette. Allah dire : « **Tout malheur ki arrive zot li vine de saki zot la main fine acquérir. »** (At-Tur 52: 22). De ce fait, si mauvais lizié touche nous, sa mal là li vini à cause nous bane péchés. Alors nous bizin répentir pour tous nous bane péchés pour ki nous gagne protection contre mauvais lizié, *Insha-Allah!*
8. Huitième moyen c'est le fait ki nous bizin faire le bien et faire autant de bane donations ou charité ki nous capave. Sa bane bons actions là pou écarte mauvais lizié de nous, *Insha-Allah*. Celui ki faire le bien li gagne protection d'Allah à travers la bonté de so bane dons. Astaire c'est à nous pou faire preuve de bonté et faire le bien partout afin ki nous gagne protection Allah contre le mal.
9. Neuvième moyen li pli difficile pou accomplir, à savoir réponde au mal par le bien. Sa demande ene grand piété et ene confiance absolue dans Allah. Seul celui qui bénéficié d'ene position haute devant lizié d'Allah pou capave gagne la capacité pou accompli ene telle démarche. Allah dire: « **Bon action et mauvais action pas pareil. Repousse (le mal) par saki meilleur ; et voilà ki celui avec ki to ti ena ene l'ennementé li vine couma ene camarade intime. Mais (sa privilège là) li accordé zis à bane ki prend patience et li accordé zis à bane ki possède ene grâce infinie. Et si zamais Diable (Satan) incite toi (pou agir autrement), alors cherche refuge auprès d'Allah ; c'est Li, vraiment Celui ki entend tout, Celui ki conne tout. »** (Fussilat 41: 35-37). De ce fait, repousse le mal par le bien li ene privilège ki nous Créateur fine accorde nous afin pou éloigne mauvais lizié (et bane les autres mals

aussi). Sa capacité là li pas donné à zot tous sa, et li bien difficile pour ene dimoune pou gagne sa. Ki Allah facilite pour nous sa travail là! *Ameen*.

10. Enfin, le dernier moyen englobe tous bane moyens ki mo fine mentionner avant : c'est le *Tawhid* (ou le monothéisme pur). C'est Allah qui destine tout kitchose et sak élément exister et marcher zis par So permission. C'est zis Allah tousel ki pou capave écarte mauvais lizié ou tous bane les autres mals de So bane serviteurs. En vérité, Li fine dire: « **Et si Allah faire ki ene mal touche toi, personne pas pou capave écarte sa aparte Li. Et si Li oulé ene bien pour toi, personne pas pou capave repousse So grâce (faveur).** » (Yunus 10: 108). Le *Tawhid* c'est pli grand forteresse d'Allah. Celui ki rentre là-dans li en sécurité. En vérité, celui ki peur Allah, tous bane les autres pou peur li. Celui ki pas peur Allah, sa dimoune là pou gagne peur de tout kitchoses.

Ki Allah pardonne nous pour nous bane péchés et permette nous pou vine vers Li kot c'est Li-même ki ouvert sa chemin là pour nous. Ki Allah accorde nous aussi la patience et l'endurance face à bane épreuves ki touche nous, et ki Li protège nous du mal du jaloux kan li porte so jalousie, kan li mette so lizié lor nous. Allah tousel Li nous salut, Li tousel Li nous l'espoir, et c'est Li tousel nous vrai Camarade face à bane épreuves de la vie. En Li nous place nous confiance, et c'est vers Li ki nous pou retourner ene jour. *Insha-Allah, Ameen*.

PRIER POUR MAURICE & L'HUMANITÉ

Et avant mo terminer, depuis le début de sa l'année là, à Maurice fine ena plusieurs calamités, accidents kot premier jour de l'année deux jeunes musulmans fine perdi zot la vie dans accident, et fine ena meurtres et bane jours de la pluies intenses (prend dépi le 1^{er} Janvier vini même) kot après sa, deux-trois jours de cela fine ena cyclone Berguita ki fine passe près avec nous ti l'île (et kot hier fine tire tous classes - ti arrive ziska classe 3), et sa cyclone là fine apporte beaucoup la pluie, et fine fer aussi beaucoup dégâts.

Partout dans le monde ena bane changement dans bane saisons et l'atmosphère même ene l'autre kalité. Ki Allah préserve l'humanité de bane calamités de toutes sortes, et ki Allah protège l'Oummah de Hazrat Muhammad (saws) contre bane l'attaques malveillant de bane non-croyants, et ki Allah ena pitié pou tous bane ki

aide la cause de bane musulmans et l'humanité, que ce soit li ene musulman ou non-musulman. Nous tous humains, et lor base l'humanité, c'est à nous pou aide nous prochain dans tous façons possible, *Insha-Allah*.

Ki Allah béni zot tous et ki ensam, main dans la main nous tous travail pou apporte la paix dans le monde et établir la vérité et la justice couma le Créateur souhaiter. *Insha-Allah, Ameen*.